

Akissarsiat allagartaat ukiumoortoq nutaaq, ukiumut 2023-imut ukiunilu aggersuni immersortagassaq pillugu sulisitsisunut NAMMINERSORTUNUT paasissutissiineq.

Akilerartarnermut Aqutsisoqarfik sulisitsisunut NAMMINERSORTUNUT akissarsiat allagartaanik nutaamik suliaqarpoq, taaguutaa "2023-imiit isertitanut paasissutissaq" allanngorpoq. Isertitanut paasissutissanik immersugassaq siullermeerluni ukiumi aningaasarsiorfiusumit 2023-imut akissarsiarititanut il.il. paasissutissanik nalunaaruteqarnermi atorineqalissaaq.

Sulisitsisut namminersortut, selskabit, namminersortutik inuussutissarsiuteqartut kiisalu sulisitsisut allat immersugassaq "2023-imiit isertitanut paasissutissaq – A11" immersortassavaat.

Ilusilersorera (formatia) aamma allanngorpoq:

Akissarsiat allagartaanik manna tikillugu atorineqartumik allannguinermi, akilerartarnermut inatsimi akeqanngitsumik ajunngitsorsiat isertitatut A-tut isertitatut B-niit allanngornerat aamma piffissat arlallit, taamaappat 28/11-imi sulisorisimanerlugu nalunaarneqassaaq atorunnaarmat tamannalu tunngavigalugu nalunaarusiani allannguinerit tunngaviupput. Allannguneq akissarsiat allagartaata ilusilersorneqarneranik/formatianik aamma allannguisariaqalernerimik kinguneqartitsivoq, immersuiffissat (felt-it) 24-nngorlutik.

Isertitanut paasissutissap nutaap immersorneqarnissaanut ilitsersuusiortoqarportaaq, sulisitsisunut allannguutigittineqartut uku pingaartumik maluginiaqquneqarput:

- Piffissat arlallit, taamaappat 28/11-imi sulisorisimanerlugu nalunaarneqassaaq atorunnaarmat
- Akeqanngitsumik ajunngitsorsiat isertitanut ilaappat

Ukioq aningaasarsiorfik 2023 aallarnerfigalugu akeqanngitsumik ajunngitsorsiaqartitsineq inissinneqarput normu 9-mut.

Immersugassaq "2018-mi akissarsiarititanut il.il. nalunaarut – A10" allannguuteqanngilaq.

Taaneqareersutut "2023-imiit isertitanut paasissutissaq – A11" nutaaq ukioq aningaasarsiorfik 2023 aallarnerfigalugu atorineqalissaaq.

Ukiunut aningaasarsiorfiusunut 2023-imit siusinnerusunut nalunaaruteqassatillugu immersugassaq "nutaanngitsoq" "2018-imit 2022-imut akissarsiat allagartaat ukiumoortoq – A11" atorineqartassaaq.

Formatip nutaap allaatigineqarnera

Isertitanut paasissutissat pillugit immersuiffissaq formatimik nutaamik allaaserineqarpoq, tamannalu sulisitsisut akissarsiaritanut qarasaasiakkut aqutsissutaani iluarsiissuteqartariaqalernerannik kinguneqartitsissaaq.

Taamaattumik Akilerartarnermut Aqutsisoqarfimmit innersuussutigineqarpoq qarasaasiatigut aqqiussuinnermi ineriartortitserisartorisamik aqqiissuteqarnissaq siunertaralugu atassuteqartoqaqqullugu.

Akilerartarnermut Aqutsisoqarfiup nittartagaani – www.aka.gl-imi – makku ivertinneqarput:

- 2023-imiit isertitanut paasissutissaq – A11 (Sulisitsisut namminersortut)
- Isertitanut paasissutissap A11-p immersornissaanut ilitsersuut

<https://sulinal.nanoq.gl/-imi> una ivertinneqarpoq:

- Isertitanut paasissutissamut A11-mut formatit sulisitsisut akileraaruseriffiullu akornanni atornerqartut pillugit allaatigineri – ukioq aningaasarsiorfik 2023 aallarnerfigalugu atuutilersoq. Formatit pillugit allaatigisaq taanna sulisitsisunut NAMMINERSORTUNUT kisimi atuuppoq.

Inussiarnersumik inuulluaqqusilluta

Akilerartarnermut Aqutsisoqarfik – Sulisitsisut Allattorsimaffiat

Skattestyrelsen - Arbejdsgiverregisteret